

穹天論

四明張氏釣園開雕

序

穹天論者鄉先生虞世龍作也馬國翰據晉書天文志  
太平御覽輯爲一卷其言曰天形穹窿如雞子幕其際  
周接四海之表浮於元氣之上譬如覆盂以抑水而不  
沒者氣充其中故也嗚呼天之蒼蒼止此氣耳氣運則  
四時行百物生無聲無臭之中而於穆不已故曰氣者  
生之元也又曰元氣者天氣也氣也者神之盛也神盛  
則無不覆故曰如天之無不覆也天形如卵朱子有硬  
殼相轉之解然其相轉者氣也周接者浮者皆氣也爾

穹天論序

一四明叢書

約園刊本

雅釋天穹蒼蒼天也郭璞註天形穹窿穹高也大也窮  
也空也顧旣曰如雞子幕其際則應以空義釋之惟空  
故高故大故窮也窮者窮之於無旣也氣爲之也徐堅  
初學記引劉氏正曆問曰顓頊造渾天儀黃帝爲蓋天  
以天象蓋而引虞氏穹天論曰天形如笠而冒地之表  
曰蓋曰笠穹之義也雞子幕其際之義也王充論衡曰  
天若覆盆之狀渾天儀曰天轉如車轂之運亦氣爲之  
也吾因之有感矣人生於世穹如也居一室之中悟萬  
涵之象此身之有有於氣也氣息則身無所寄焉非惟

人也一器一物莫不有其元氣禮云禮云玉帛云乎樂云樂云鐘鼓云乎不於元氣求之而惟外象索焉無涇機軸不靈失運用之妙終無裨於治理也孔子曰譬如北辰居其所而眾星拱之爲政之道固有在矣雖然非氣之浩浩籠罩四方涵天之量行天之健安足語斯乎抑吾讀世龍傳嘗曰世之取士所譽依已成所毀依已敗此吾所嘆息者也夫偶而成偶而敗者勢爲之也必察其所以成所以敗而天下之真是非出矣嗚呼天下之無真是非久矣然主宰昭昭其道豈異也世龍清虛

寫天論序

二四明叢書  
約圖刊本

無欲進退以禮正氣常存而客氣不擾其本於天之自然者乎其本於天之氣充足而不沒者乎余讀寫天論而伸其說如此初學記引天文錄以爲虞曷作誤矣且攷訂天文有待於專家余未能也民國二十一年三月後學張壽鏞序

序

穹天論一卷晉虞聳撰吳志虞翻傳聳越騎校尉累遷  
廷尉湘東河間太守裴松之注會稽典錄曰聳字世龍  
翻第六子也入晉除河間相其書隋唐志皆不著錄佚  
已久據晉書天文志御覽所引輯錄論謂天形穹窿如  
雞子幕其際周接四海之表浮於元氣之上大指亦主  
蓋天爲說與姚信所天相出入云歷城馬國翰竹吾甫

穹天論序

一四明叢書  
約圖刊本

慈谿縣志本傳

虞聳字世龍翻第六子也清虛無欲進退以禮在吳歷

清官入晉除河間相王素聞聳名厚敬禮之

○案三國志虞翻傳

聳越騎敦尉累遷廷尉

州東河間太守聳抽引人物務在幽隱孤陋之中

時王岐難聳以高士所達必合秀異聳書與族子察曰世之取士曾不招未齒於邱園素良才於總猥所譽依

已成所毀依已敗此吾所以歎息也聳疾俗喪祭無度

弟曷卒祭以少牢酒飯而已當時族黨竝遵行之

三國志虞

翻傳志引會稽典錄

清未論傳

一四明叢書  
約園刊本

穹天論

晉四明虞 聳世龍撰

天形穹窿如雞子幕其際周接四海之表浮於元氣之上譬如覆盂以抑水而不沒者氣充其中故也日繞辰極沒西而還東不出入地中天之有極猶蓋之有斗也天北下於地三十度極之傾在地卯酉之北亦三十度人在卯酉之南十餘萬里故斗極之不爲地中當對天地卯酉之位耳日行黃道繞極之北去黃道百一十五度南去黃道六十七度二至之所舍以爲長短也

晉書天文

穹天論

一四明叢書  
約園刊本

志 虞世南北堂書鈔卷一百四十八太平御覽卷二  
吳淑事類賦卷一注並引云天形如穹窿如笠而目  
地之表浮元氣至不入地中 徐堅  
初學記卷一引同首句無穹窿二字

附錄

天文錄古人言天地之形者有三一曰渾天二曰蓋天三曰宣夜宣夜之說未嘗聞也後有虞曷作穹天論姚信作昕天論虞喜作安天論眾形殊象參差其間蓋天之說又有三體一云天如車蓋遊乎八極之中一云天形如笠中央高而四邊下亦云天如敬車蓋南高北下

晉書天文志虞喜族祖河間相聳又立穹天論云云

穹天論

二四明叢書  
約園刊本

穹天論



四明叢書

四明叢書  
約園刊本

四明叢書

四明叢書  
約圖刊本